

書但係學識明通留心時局者悉可充選等語臣等伏查立憲各國多係兩院制度中國人民程度未齊下議院驟難設立若不變通辦理又恐直省風俗與民間好惡一時未易週知行政機關轉多隔閡原片所謂大省舉二十人中省十人小省五人事隸某省即令某省之員會議上之朝廷下資政院議決之者誠爲通達下情儲養議員資格起見與本年九月間欽奉諭旨速設諮議局爲資政院儲才之階等因用意尙無不合擬請飭下資政院總裁參酌辦理以上各節如蒙俞允俟命下之日卽由臣等鈔錄原奏分別通行以便遵照謹奏奉旨依議欽此

憲政編查館吏部會奏遵

旨酌擬切實考驗外官章程摺附清單

本年九月二十八日奉 上諭修明內政吏治爲先親民之官莫如守令若地方官盡得其人實心任事何利不舉何弊不除近來捐納保舉流品冗濫以候補人員爲尤甚迭經降旨飭令各省督撫於各員到省時考試甄別乃十數年來分發選缺到省各員經營撫考驗黜革開缺及咨回原省者甚不多覩一味虛應故事濫容闖冗是並無揚清激濁之誠殊屬不成事體著憲政編查館會同吏部詳定切實考驗外官章程請旨飭下各省督撫將所屬地方候補選缺到省各人員認真考驗嚴定去留並條列實迹咨報吏部查核以清仕途

內 務

憲政編查館吏部會奏遵

旨酌擬切實考驗外官章程摺

一百六十三

戊申

內務

憲政編查館吏部會奏遵

旨酌擬切實考驗外官章程摺

一百六十四

三月

而端治本欽此竊維考試甄別定例非不詳明乃因習視爲具文遂致鮮收夫實效茲復恭奉諭旨飭令詳定切實考驗章程臣等遵查古今考課之法不外考言詢事兩端考試第試之以言而考驗必驗之以事至於舉行甄別則必待試驗之俱實而後徵舉劾之非虛方今捐納保舉兩項人員自道府以至佐雜分發各省日形擁擠流品蕪雜賢否不齊向來考試甄別雖有停委降補回籍休致各條而日久奉行不力誠有如聖諭所謂一味虛應故事不成事體者必欲求切實考驗之法非將原定例章合併變通另訂章程無以清仕途而肅吏治臣等前次議覆御史趙炳麟捐納變通辦法業經聲明捐保人員概令入法政學堂肄習又臣館於奏陳考核上年^午兩州縣事實清冊摺內另擬勸懲辦法皆爲實事求是起見茲謹酌照新章參合舊例擬定切實考驗外官章程六條謹繕清單恭呈御覽如蒙俞允當卽通行遵辦抑臣等更有請者前代考課民吏有以身言書判精校於未選之先者有以才守政學責舉於任職之後者其始法非不密而其後卒患乏才臣等所擬章程皆審度情勢所能行不敢稍鄰於苛細而遵循之實則在疆臣經曰徒法不能以自行此則臣等凡有用人之責者尤願與疆臣共勉之者也謹奏奉旨依議欽此謹將遵擬切實考驗外官章程繕具清單恭呈御覽一變通考試舊例概令先行學

習也。查考試定例祇作論判一道或寫履歷數行文字短長殊不足以盡人才且使平日未嘗學問卽考試安得而施應令概照臣等議覆御史趙炳麟條陳新章凡捐納保舉兩項之道府同通州縣以及佐雜各員除正途出身及本係高等以上學堂畢業學生外無論月選分發到省一律俱入法政學堂先考以文字其文理不通及不能執筆者卽咨令回籍無庸入學外餘各按其文理淺深分爲長期速成兩班限年學習期滿卒業由督撫督同司道按照法政課程切實考試必須給有卒業文憑方准赴任差委 一分別學堂等第必須嚴示勸懲也。前議法政學堂辦法第有卒業考核合格不合格之分既未詳分等第至留學仍不合格僅予停止差缺尙不足以澄汰冗濫現爲認真考試起見必須按照學堂辦法以分數之多寡定等第之高下擬卽參酌從前考試候補人員舊例分別一二三四等及不列等爲五項考列一二三等者分別各給最優等優等中等卒業文憑赴任差委四等者分別留學半年一年再行考試凡卒業考試不列等者及留學考試仍不合格者應卽分別奏咨開缺降補及勒令回籍不得稍涉瞻徇似此明示勸懲庶使闕冗無所溷跡仕途可望澄清 一考驗應條具實跡也。法政學堂卒業人員應卽量加差委究其學成致用是否才長守潔非重加考驗不能知其品學相符前定考核州縣實事清冊其中本有候補署事人員惟有缺

內 務

憲政編查館吏部會奏遵

旨酌擬切實考驗外官章程摺

一百六十五

戊申

內 務

憲政編查館吏部會奏

旨酌擬切實考察外官章程摺

二百六十六

三月

無差尙虞缺漏方今新政繁興如洋務財政學務巡警審判監獄工藝等類差務尤關緊要應各就其所供差事分由司道切實考驗如財政歸布政司學務歸提學司審判歸提法司巡警歸巡警道工藝歸勸業道之類其佐雜各員由各府州差委者卽歸府州考驗再由督撫層遞加考條列實在事跡仿照州縣事實例每年分別造具差委事實清冊一次分列最優等優等平等次等下等出具切實考語於年終彙總咨明吏部查核辦理 一甄別須改定辦法也甄別舊例向以到省扣足一年爲滿現今概入法政學堂正在三年或一年半或留學學習期內自未便遽行甄別卽令學堂卒業而未加差委考驗不真亦恐甄別未能切實應飭嗣後將甄別年限除在學習期內不計外應自各該員奉有差委日起扣足供差一年確實試驗方准出具考語於差委事實冊達部後並開具學堂等第差委事實甄別奏留其最優等優等平等者方准留省分別補用並咨吏部查核不得用向來年富力強等字含糊出考以杜虛應故事之弊其次等者降補下等者分別休致黜革均奏咨辦理至各項正途人員雖不在考試之列而亦間有試用之班其向例一年甄別者亦照此條扣足供差一年按照事實冊辦理 一在省候補人員宜通行考試一次也前項考試考驗辦法凡此後初行到省人員可期澄汰而前此先經在省者不與其列亦未足以昭平允而示激揚查各

省候補人員擁擠已甚請停分發者不一而足若仍其流品冗濫因循姑息卽延至數十年後亦無澄敝之時吏治安有起色況現行新政各項均非其平日所素習尤不可不曲予

就現奉

嚴詔整飭之際各省應將在省候補人員認真通行考試一次嚴定去留除正

途出身及高等以上卒業學生及歷任重要差使各員無庸考試統歸考驗辦法外餘均由督撫率同司道嚴行考試一次照前分別五等其考列一二等者分別差委三四等者令入法政學堂分別速成長期兩班肄習俟得有卒業文憑再予差委其不列等者卽飭令回籍至入學堂以後統按前條卒業考試法辦理應飭各省於奉到此次章程之日起限三月內舉辦奏明咨部一出考上司應酌予議處也各省法政學堂現尙未能徧設若無學習之方安有試驗之實應請通飭各省自此項新章頒行以後凡未設立法政學堂省分統限三箇月內一律開設選聘教習認真辦理如有未能依限設立仍照從前空言出考或僅考試考驗未將該員學堂等第差委事實列冊奏咨朦混甄別者及將未經甄別人員濫予署缺者應由吏部查明卽將該督撫司道分別察議

憲政編查館學部會奏限制京外各衙門調用人員及游學畢業生辦法摺

光緒三十三年九月初三日御史孫培元奏請凡留學生未經考試者無論內外大臣不得

內 務

憲政編查館學部會奏限制京外各衙門調用人員及游學畢業生辦法摺

一百六十七

戊申